



## Innkalling av Eldreråd

**Møtedato:** 07.11.2022

**Møtestad:** Alver rådhus - kantina/formannskapssalen

**Møtetid:** 10:30 - 16:00

Eventuelle forfall må meldast til [arthur.kleiveland@alver.kommune.no](mailto:arthur.kleiveland@alver.kommune.no)

Varamedlemmer møter berre etter nærare avtale.

Det vert felles orienteringsmøte for eldrerådet og RMNF i kantina på rådhuset kl. 12.00. Deretter held eldrerådet fram møtet i formannskapssalen med handsaming av vedtakssaker.

**Synfaring:** Hjelpemiddel-lageret på Mjåtveit - frammøte kl. 10.30.

### Sakliste

Saknr	Titel
042/22	Godkjenning av innkalling og sakliste
043/22	Godkjenning av møteprotokoll
044/22	Plan for friluftslivets ferdselsårer 2022-2026 - vedtak
045/22	Evaluering prøveordning - Kommunalt følgje på ferie- og fritidsreise for personar med nedsett funksjonsevne
046/22	Kommunedelplan helse, sosial og omsorg 2022-2034 - høyring og offentleg ettersyn
047/22	Meldingar til eldrerådet 07.11.2022

31. oktober 2022

Olav Magnus Steinsland  
møteleiar

Arthur Kleiveland  
møtesekretær

**Arkiv:** <arkivID><jplID> FE-033  
**JournalpostID:**  
**Sakshandsamar:**  
**Dato:** 27.10.2022

Saksframlegg

<b>Saksnr.</b>	<b>Utval</b>	<b>Møtedato</b>
042/22	Eldreråd	07.11.2022

### **Godkjenning av innkalling og saksliste**

Innkalling og saksliste vert godkjent.

**Arkiv:** <arkivID><jplD> FE-033  
**JournalpostID:**  
**Sakshandsamar:**  
**Dato:** 12.10.2022

Saksframlegg

<b>Saksnr.</b>	<b>Utval</b>	<b>Møtedato</b>
043/22	Eldreråd	07.11.2022

### **Godkjenning av møteprotokoll**

Møteprotokollen vert godkjent.

### **Vedlegg i saken:**

04.10.2022 Protokoll - Eldreråd - 03.10.2022

1813133



## Møteprotokoll for Eldreråd

**Møtedato:** 03.10.2022  
**Møtestad:** Alver rådhus - kantina  
**Møtetid:** 12:00 - 15:10

Det vart felles orienteringsmøte for eldrerådet/RMNF kl. 12.00 i kantina. Deretter gjekk eldrerådet i formannskapssalen for handsaming av vedtakssaker.

Frammøtte medlemmer	Parti	Rolle
Mabel Johansen settemedlem for Svein Hagesæte-UAVH	H	Medlem
Kirsti Gjetle Floen	AP	Medlem
Olav Magnus Steinsland		Utvalsleiar
Torhild Skage Syslak		Medlem
Einar Lygre		Medlem
Jostein Dale		Nestleiar
Reidun Taule		Medlem
Sigurd Knudsen		Medlem
Randi Iden		Medlem

**Følgjande frå administrasjonen møtte:** Helge Kvam-Fagansvarleg Fagutvikling stab helse og omsorg, Kjersti Risa Marøy-tenesteleiar Helsestasjon og jordmorteneste, Eirik B. Utne-tenesteleiar kultur (på Teams), møtesekretær Arthur Kleiveland

Ivar Hopland-leiar i Alver kulturråd gav ein presentasjon av kulturrådet og informerte om kulturhus-konferanse.

### Sakliste

Saknr	Tittel
037/22	Godkjenning av innkalling og sakliste
038/22	Godkjenning av møteprotokoll 05.09.2022
039/22	Høyring - handlingsplan mot vald i nære relasjonar
040/22	Meldingar til eldrerådet 03.10.2022
041/22	Høyringsuttale - Regional plan for kultur, idrett og frivilligheit 2023-2035

## **037/22: Godkjenning av innkalling og saksliste**

Innkalling og saksliste vert godkjent.

**Eldreråd 03.10.2022:**

### **Behandling:**

Eldrerådet godkjende samrøystes innkalling og saksliste.

**ER- 037/22 Vedtak:**

Innkalling og saksliste vert godkjent.

## **038/22: Godkjenning av møteprotokoll 05.09.2022**

Møteprotokollen vert godkjent.

**Eldreråd 03.10.2022:**

### **Behandling:**

Eldrerådet godkjende samrøystes møteprotokollen for 05.09.2022.

**ER- 038/22 Vedtak:**

Møteprotokollen vert godkjent.

## **039/22: Høyring - handlingsplan mot vald i nære relasjonar**

### **Kommunedirektøren sitt framlegg til vedtak:**

I samsvar med prosessreglane i plan- og bygningslova Kap. 11 vedtek Alver kommune å sende planforslag for «Handlingsplan mot vald i nære relasjonar» ut til offentleg høyring og ettersyn.

Høyringsperioden vert sett til seks veker.

**Utval for helse og omsorg 06.09.2022:**

### **Behandling:**

Kjersti Risa Marøy-tenesteleiar Helsestasjon og jordmortenesta orienterte i saka og svara på spørsmål.

Utvalsleiar Ståle Hauge-AP sette fram følgjande tilleggsframlegg:

*Utval for helse og omsorg ber administrasjonen arbeide følgjande inn i planen:  
Undervisningsopplegg for 2.-10. klasse tilpassast og vidareførast inn i vidaregåande skule.*

Utvalet vedtok samrøystes kommunedirektøren sitt framlegg, med tilleggsframlegg frå S. Hauge.

#### **HO- 031/22 Vedtak:**

Utval for helse og omsorg kjem med følgjande innstilling i saka:  
I samsvar med prosessreglane i plan- og bygningslova kap. 11 vedtek Alver kommune å sende planforslag for «Handlingsplan mot vald i nære relasjonar» ut til offentleg høyring og ettersyn.

Høyringsperioden vert sett til seks veker.

Utval for helse og omsorg ber administrasjonen arbeide følgjande inn i planen:  
Undervisningsopplegg for 2.-10.klasse tilpassast og vidareførast inn i vidaregåande skule.

#### **Utval for oppvekst, kunnskap og kultur 06.09.2022:**

##### **Behandling:**

Kjersti Risa Marøy-tenesteleiar Helsestasjon og jordmor orienterte i saka og svarta på spørsmål.

##### **Det vart sett fram følgjande tilleggsframlegg frå OKK:**

*Administrasjonen har allereie utarbeidd ei skisse for undervisningsopplegg 2-10 klasse. OKK ser ikkje at Alver kommune har heimel for å påleggje vidaregåande skule eit undervisningsopplegg. Me synes planen er god og ynskjer å senda den ut på høyring.*

Utvalet vedtok samrøystes kommunedirektøren sitt framlegg med tilleggsframlegg sett fram i møtet.

#### **OKK- 050/22 Vedtak:**

I samsvar med prosessreglane i plan- og bygningslova Kap. 11 vedtek Alver kommune å sende planforslag for «Handlingsplan mot vald i nære relasjonar» ut til offentleg høyring og ettersyn.

Høyringsperioden vert sett til seks veker.

Administrasjonen har allereie utarbeidd ei skisse for undervisningsopplegg 2-10 klasse. OKK ser ikkje at Alver kommune har heimel for å påleggje vidaregåande skule eit undervisningsopplegg. Me synes planen er god og ynskjer å senda den ut på høyring.

#### **Råd for menneske med nedsett funksjonsevne 03.10.2022:**

##### **Behandling:**

##### Fellesframlegg:

RMNF støttar planen, og ser det som viktig at den vert forankra og følgd opp i alle delane av det kommunale tenesteapparatet. Særleg gjeld dette dei tenestene som rettar seg mot eldre og menneske med nedsett funksjonsevne.

Framlegget vart samrøystes vedteke.

### **RMNF- 043/22 Vedtak:**

#### **Uttale i RMNF - 03.10.2022:**

RMNF støttar planen, og ser det som viktig at den vert forankra og følgd opp i alle delane av det kommunale tenesteapparatet. Særleg gjeld dette dei tenestene som rettar seg mot eldre og menneske med nedsett funksjonsevne.

### **Eldreråd 03.10.2022:**

#### **Behandling:**

Kjersti Risa Marøy-tenesteleiar Helsestasjon og jordmorteneste orienterte i saka.

Torhild Skage Syslak sette fram følgjande fellesframlegg til uttale:

*Eldrerådet sluttar seg til handlingsplanen mot vald i nære relasjonar, men ønskjer at det vert sett større fokus på vald og overgrep mot eldre personar.*

*Eldrerådet ber om årleg informasjon om oppfølginga av planen.*

Eldrerådet vedtok samrøystes fellesframlegg til uttale.

### **ER- 039/22 Vedtak:**

Eldrerådet kjem med følgjande uttale til Handlingsplan mot vald i nære relasjonar:

Eldrerådet sluttar seg til handlingsplanen mot vald i nære relasjonar, men ønskjer at det vert sett større fokus på vald og overgrep mot eldre personar.

Eldrerådet ber om årleg informasjon om oppfølginga av planen.

### **Ungdomsråd 03.10.2022:**

#### **Behandling:**

Orientering i saka v/ Kjersti Risa Marøy

### **UR- 035/22 Vedtak:**

Ungdomsrådet støttar kommunediretøren sitt framlegg til vedtak

## **040/22: Meldingar til eldrerådet 03.10.2022**

#### **Kommunedirektøren sitt framlegg til vedtak:**

Meldingar vert tekne til orientering.

### **Eldreråd 03.10.2022:**

#### **Behandling:**

Det vart gjeve følgjande meldingar og orienteringar:

1. Uttale – Vald i nære relasjonar – Høyring v/Kjersti Risa Marøy-tenesteleiar Helsestasjon og jordmorteneste
2. Høyringsuttale - Regional plan for kultur, idrett og frivilligheit 2023-2035 v/Eirik B. Utne-tenesteleiar kultur
3. Alver kulturråd - presentasjon og informasjon om kulturhus-konferanse 7. november v/lvar Hopland-leiar i Alver kulturråd
4. Stiftelsen Livsglede for eldre – tilsendte brev er vedlagt
5. Fylkeseldrerådet – tilbakemelding på Alver eldreråd sitt innspel knytt til forslag om nedlegging av eldreombodet - vedlagt

Orientering 1 og 2 vart gjeve i felles orienteringsmøte for eldrerådet og RMNF.

Eldrerådet delte erfaringar frå markeringa av den internasjonale eldredagen. Det var flotte markeringar i dei tre tidlegare kommunane.

Eldrerådet tok meldingar til orientering.

#### **ER- 040/22 Vedtak:**

Meldingar vert tekne til orientering.

## **041/22: Høyringsuttale - regional plan for kultur, idrett og frivilligheit 2023-2035 Vestland**

#### **Kommunedirektøren sitt framlegg til vedtak:**

Alver kommunestyre godkjenner høyringsuttale som den ligg i saka, til regional plan for kultur, idrett og friluftsliv 2023-2035 Vestland – Kultur bygger samfunn.

#### **Råd for menneske med nedsett funksjonsevne 03.10.2022:**

#### **Behandling:**

Tittelen i saka skal vera: "*Høyringsuttale - regional plan for kultur, idrett og frivilligheit*".

#### **Fellesframlegg:**

I uttalen sin til pkt.5 legg kommunen vekt på integrering og inkludering av personar med innvandrarbakgrunn. RMNF vil poengtera at det òg trengst tilrettelegging for at menneske med nedsett funksjonsevne kan delta på, og vera utøvarar i kulturaktivitetar. Følgjebevis er eit døme på at ein legg til rette for deltaking på tilbod som høver, både i og utanfor kommunen ein bur i. Denne ordninga bør vidareutviklast, slik at arrangement som får offentleg støtte i heile Vestland godtek følgjebevis.

I pkt.4.1 kan det poengterast tydelegare at kulturarenaer må utviklast slik at dei vert gode møtestader for alle, inkludert menneske med nedsett funksjonsevne. Rådet tenkjer her t.d. på samfunnshus og bedehus rundt om i bygdene.

Framlegget vart samrøystes vedteke.

#### **RMNF- 045/22 Vedtak:**



**Uttale frå RMNF - 03.10.2022:**

I uttalen sin til pkt.5 legg kommunen vekt på integrering og inkludering av personar med innvandrarakgrunn. RMNF vil poengtera at det òg trengst tilrettelegging for at menneske med nedsett funksjonsevne kan delta på, og vera utøvarar i kulturaktivitetar. Følgjebevis er eit døme på at ein legg til rette for deltaking på tilbod som høver, både i og utanfor kommunen ein bur i. Denne ordninga bør vidareutviklast, slik at arrangement som får offentleg støtte i heile Vestland godtek følgjebevis.

I pkt.4.1 kan det poengterast tydelegare at kulturarenaer må utviklast slik at dei vert gode møtestader for alle, inkludert menneske med nedsett funksjonsevne. Rådet tenkjer her t.d. på samfunnshus og bedehus rundt om i bygdene.

**Eldreråd 03.10.2022:****Behandling:**

Eirik B. Utne-tenesteleiar kultur orienterte i saka. Han opplyste at rett tittel på saka skal vera "Høyringsuttale - regional plan for kultur, idrett og frivilligheit 2023-2035 Vestland - Kultur bygger samfunn.

Leiar i eldrerådet, Olav M. Steinsland, sette fram følgjande fellesframlegg til uttale:  
*Eldrerådet sluttar seg til Regional plan for kultur, idrett og frivilligheit 2023-2035, med kommentarane frå Alver kommune.*

*Eldrerådet viser også til at Vestland fylkeskommune har ein frivillig-strategi som må følgjast opp i arbeidet med Regional plan for kultur, idrett og frivilligheit. Eldrerådet ønskjer større fokus på den frivillige innsatsen i planen.*

Eldrerådet vedtok samrøystes Olav M. Steinsland sitt felles framlegg til uttale.

**ER- 041/22 Vedtak:**

Eldrerådet i Alver kjem med følgjande uttale:

*Eldrerådet sluttar seg til Regional plan for kultur, idrett og frivilligheit 2023-2035, med kommentarane frå Alver kommune.*

*Eldrerådet viser også til at Vestland fylkeskommune har ein frivillig-strategi som må følgjast opp i arbeidet med Regional plan for kultur, idrett og frivilligheit. Eldrerådet ønskjer større fokus på den frivillige innsatsen i planen.*

**Ungdomsråd 03.10.2022:****Behandling:**

Orientering i saka v/Robert Lorang Hansen

**UR- 034/22 Vedtak:**

Ungdomsrådet støttar kommunedirektøren sitt framlegg til vedtak

**Arkiv:** <arkivID><jplID> FA-C20  
**JournalpostID:**  
**Sakshandsamar:**  
**Dato:** 19.10.2022

Saksframlegg

Saksnr.	Utval	Møtedato
	Ungdomsråd	
044/22	Eldreråd	07.11.2022
048/22	Råd for menneske med nedsett funksjonsevne	07.11.2022
	Utval for oppvekst, kunnskap og kultur	
	Alver kommunestyre	

## Plan for friluftslivets ferdselsårer 2022-2026 - vedtak

### Kommunedirektøren sitt framlegg til vedtak:

Kommunestyret vedtar Plan for friluftslivslivets ferdselsårer 2022-2026.

### Politisk handsaming

Saka skal til uttale i ungdomsrådet, eldrerådet og råd for menneske med nedsett funksjonsevne Saka skal til innstilling i utval for oppvekst, kunnskap og kultur. Saka skal avgjerast i kommunestyret.

### Bakgrunn

I *Handlingsplan for friluftsliv* frå 2018 initierer regjeringa eit fleirårig prosjekt, *Friluftslivets ferdselsårer*, som har som mål å fremja planlegging, opparbeiding, skilting og merking av samanhengande nettverk av turstiar. Miljødirektoratet utarbeidde ein rettleiar ([M-1292 2019 Plan for friluftslivets ferdselsårer](#)) som skulle nyttast i samband med utarbeiding av planar for friluftslivets ferdselsårer.

Alver kommune forankra Plan for friluftslivets ferdselsårer i Anleggsstrategi for Alver kommune 2021-2023. Planstrategien slår fast at Plan for friluftslivets ferdselsårer skal ha status som temaplan.

Utval for oppvekst, kunnskap og kultur vedtok i møte 20. april 2021, sak 020/21, oppstart av Temaplan for friluftslivets ferdselsårer 2022-2024 i Alver kommune, og i møte 31. mai sak 039/22 å leggja planen ut på høyring med høyringsfrist 31. august. Denne saka gjeld endeleg vedtak av Plan for friluftslivets ferdselsårer i Alver kommune 2022-2026.

Kommunen har fått 240 000 kroner i tilskot frå Miljødirektoratet til å utarbeida planen. Dette inkluderer tilskot som vart gjeve til Radøy, Lindås og Meland kommunar.

### Saksopplysningar

Plan for friluftslivets ferdselsårer i Alver kommune gjev oversikt over viktige ferdselsårer for friluftslivet i kommunen. Planen er ein del av kunnskapsgrunnlaget som skal vera med på å sikra areal for friluftslivet i samband med byggesaker og arealplanlegging, og den skal peika ut strategiar for arbeidet med friluftslivets ferdselsårer i planperioden. Plan for friluftslivets ferdselsårer vil også vera eit viktig kunnskapsgrunnlag for kommunedelplan for kultur, idrett og friluftsliv.

### Avgrensing av planen

Storleiken på kommunen og det høge talet på ferdselsårer gjorde at det var naudsynt å avgrensa planarbeidet for å koma i hamn. I denne planen var det avgjerande å få kartlagd dei stiane og turvegane som har høgast

bruksfrekvens, mest slitasje og størst tilretteleggingsbehov. For å få med desse ferdselsårene vart planarbeidet avgrensa til å omhandla stiar og turveggar kring skulestader (og dermed også kommunesenteret, lokalsentra og nærsentera). I tillegg er turstiar og -veggar som er vurderte å ha regional verdi eller interesse tatt med i kartlegginga (sjå planutkastet kap 1.2 punkt 3 for definisjon av desse omgrepa). Kartlegging av turstiar og -veggar i resten av kommunen er tatt med som eit tiltak i handlingsdelen (jf kapittel 5.2 punkt 1).

Det er både ynskjeleg og naudsynt med meir kunnskap også om ferdselsårer på vatn og på sjø. Desse ferdselsårene er likevel ikkje tatt med i denne planen då dette hadde vorte for omfattande. Det er hausten 2022 sett i gang ein eigen prosesse med kartlegging og gradering av ro- og padleruter i samband med prosjektet Ro- og padleruter i Vestland som fylkeskommunen har initiert.

#### Utarbeiding av planen og medverknad

Plan for friluftslivets ferdselsårer i Alver kommune har følgd metodikken Miljødirektoratet sin rettleiar. I tråd med denne rettleiaren er prosessen gjennomført i fire steg:

1. Oppstart (forankring, prosjektplan og annonsering)
2. Kartlegging av no-status
3. Analysera og vurderer tiltak
4. Samanstilling og vedtak

Det vart sett ned ei tverrfagleg arbeidsgruppe med representantar frå kulturavdelinga, plan og analyse, og landbruk. Arbeidsgruppa har hatt ansvar for heile planprosessen, og har også utarbeida planen.

Kartlegginga av ferdselsårene er gjort av arbeidsgruppa i samarbeid med og i dialog med lokale ressurspersonar, og lag og organisasjonar. Etter at kartlegginga var gjennomført vart skular og barnehagar innanfor dei kartlagde områda bedne om å koma med innspel kartlegginga. I tillegg er lokale kjentpersonar innanfor kvart område kontakta og bedne om å kvalitetssikra kartlegginga.

Totalt er 268 ferdselsårer og 243 målpunkt kartlagde i samband med planarbeidet. 212 av ferdselsårene ligg i tilknytning til skulestadene, medan 56 er vurderte til å ha regional verdi eller interesse. I kartlegginga har ein vurdert på tilstanden på ferdselsårene, kva som finst av tilrettelegging og tilretteleggingsbehova for dei ulike ferdselsårene. Resultatet av kartlegginga går fram i kapittel 3, og i vedlagde kart og liste over kartlagde ferdselsårer. Alle kartlagde ferdselsårer og målpunkt er lagt ut på <https://www.nordhordlandskart.no/apps/map/alverturogfriluft>

#### Handlingsdelen

Tiltaka i handlingsdelen tar utgangspunkt i analysen i kapittel 4, der no-status er vurdert opp mot resultatmåla. I dei aller fleste tilfella er ein avhengig av at frivillige ynskjer å ta på seg arbeidet med fysisk tilretteleggjing ferdselsårer for at det skal verta utført. Berre i nokre få tilfelle er tilretteleggingstiltaka av ein slik storleik eller type at det er naturleg at kommunen tar på seg ei rolle som tiltakshavar, eller bidar med finansiering utover mindre tilskot. Dette gjeld også der kommunen er eigar av turveggar eller andre friluftslivsanlegg. På bakgrunn av dette er det i handlingsdelen ikkje gjort ei prioritering av mindre tiltak. Tilskotsordninga *Friluftstiltak*, som er ei av dei kommunale tilskotsordningane til kultur og idrett, har løpande søknadsfrist og gjer at ein kan løyva tilskot der det er frivillige som ynskjer å bidra til tilrettelegging av ferdselsårer.

#### **Innspel til planen**

Planen vart lagt ut høyring 31. mai. Dette vart kunngjort på nettsidene, på facebook og i lokalavisene. I tillegg vart det sendt ut brev til aktuelle lag og organisasjonar. Det vart, i samarbeid med Nordhordland turlag, arrangert ope innspelsmøte 23. august.

Det kom ti skriflege innspel i løpet av høyringsperioden, og i tillegg kom det nokre innspel på innspelsmøtet. Innspela til planutkastet er oppsummerte og kommenterte i tabellen nedanfor.

Avsendar	Innspel	Kommentar
Nordhordland turlag	Nordhordland turlag fekk planen til uttale før den vart lagt ut til høyring. Dei kom med innspel 9. mai.  Ein del forslag til endringar i tekst.	

	<p>Turlaget kom også med innspel om at fleire av turane i fjellområda mot grensa til Masfjorden og Modalen burde vore med under regionale turar.</p>	<p>Nokre av innspela vart innarbeidd i planutkastet som vart lagt ut på høyring.</p> <p>Ferdselsårene frå Eikemo til Fjelde, frå Fjelde og Stussdal til Kalvedalen, frå Vemundsbotn mot Sjørdalsnuten og frå Heimsta Sjørdalsvatn til kommunegrensa mot Modalen i retning Skavlabu er tatt inn i planen.</p>
Jon Vidar Sakseide	<p>«Jeg er svært positiv til enda bedre stier, flere klopper, utsiktsrydding, parkeringsplasser etc. Dette er folkehelse og livskvalitet. Urørt natur har vi mye av i Norge, så noen klopper her og parkeringsplasser der har vi god råd til. Dessuten, folk som er glad i å bruke naturen, blir fort også glad i naturen, og ønsker å holde den ren og fin. Dette er et flott prosjekt som jeg håper blir gjort mye ut av.»</p>	<p>Tatt til orientering.</p>
Kenneth Alvær	<p>Savnar tilretteleggjing for enkle gapahukar i planen.</p>	<p>Kartlegginga viser at det manglar gapahukar mange av nærområda til skulane, og i løpet av kartlegginga har fleire av skulane også meld inn ynskje om dette. Dette er lagt inn under behov for tiltak. Kommunen kan gje tilskot til bygging av gapahukar i tilknytning til turstiar gjennom ordninga Tilskot til friluftslivstiltak. Det er også mogleg for lag og organisasjonar å søkja tilskot frå andre bidragsytarar enn kommunen.</p>
Terje Hopland	<p>Ber om at sti frå Hopland mot Husfjellet med ID 73 vert fjerna frå planen.</p> <p>Innsendar kjem med kritikk om at grunneigar ikkje har vorte kontakta i samband med at sti over hans eigedom er tatt inn i planen.</p>	<p>Stien vert fjerna frå kartet og planen då det er uklart om første del av stien kan reknast som sti som fører til utmark (jf friluftslova § 3.1).</p> <p>Det er berre stiar og turvegar der allemannsretten gjeld og stiar som går over innmark der det er gjort avtale med grunneigar som skal vera tatt med i planen. Det vert ikkje utført tiltak på ferdselsårer utan at grunneigar samtykkjer.</p>
Arvid, innbyggjar	<p>«Med den store folkeveksten som er planlagt i Knarvik med alle boligprosjektene, trengs det mer Brekkeløype med grusdekke for å fordele trykket, slik at ikke turen i løypa bærer preg av trengsel i fremtiden. Det vil også bidra til mer variasjon i tilbudet, det blir jo nokså ensformig med bare en enkelt runde på 1700 meter å velge i. (...) Smale stier i marken er ikke for alle og er lite egnet på dager med mye nedbør og søle.»</p>	<p>Innspelet vert tatt med under behov for utbetring under Brekkeløypa. Tiltaket vert ikkje prioritert i planperioden då det er fleire av dei andre sentra som ikkje har turvegar, medan det er to i Knarvik.</p>

<p>Vestland fylkeskommune</p>	<p>Alver kommune har gjort eit grundig arbeid med plan for friluftslivets ferdsselsårer og kartlagt mange stiar, turveggar og andre ferdsselsårer. (...) Planen har gode målformuleringar og ei fornuftig avgrensing av planarbeidet. (...) Ein god del turruter er allerede lagt inn i kartverket sin turrute-database og gjort tilgjengeleg i offentlege kart som t.d.Norgeskart. Det ser likevel ut til at ikkje alle dei kartlagde ferdsselsårene er registrert i turrute-databasen. (...) Vi minner om at alle merka eller skilta turruter skal registrerast i turrute-databasen til Kartverket.</p> <p>Vi tilrår og at det vert registrert tilknytt målpoint som t.d. gapahukar, parkeringsplassar, utsiktspunkt osv. (...)</p> <p>Vi oppmodar om å nytte plan for friluftslivets ferdsselsårer aktivt i forvaltninga og utviklinga av stiar og turveggar i kommunen.</p>	<p>Det er eit tiltak i planen at Startens kartverk sitt kartgrunnlag for tur- og friluftsruter skal oppdaterast.</p> <p>Målpoint er kartlagt og registrert på digitalt kart, men ikkje på papirkarta av plassomsyn.</p>
<p>Stiftinga Uttoskavågen</p>	<p>Området er svært mykje brukt både av sjøfarande og folk som kjem til fots.Vi meiner at Friluftsområdet med tilkomstveg , parkeringsplass og sti på Uttoska bør koma med underpunkt 3.2: Ferdsselsårer med regional verdi/potensiale.</p>	<p>Uttoskavågen har lenge vore mykje bruk av båtfolket, medan turstiane har vore lite nytta fram til det vart eit av turmåla i stolpejakten. Området vert difor ikkje vurdert til å ha regional verdi slik det er definert i planen.</p> <p>Store delar av området vert beita av skotsk høglandsfe heile året. Kommunen vil difor vera varsam med å tilrå turgåarar å bruka området, jamvel om rasen er rekna som roleg og lite aggressiv. Området er blant anna difor ikkje tatt med under turområde med regional interesse. Tatt til orientering.</p>
<p>Statsforvaltaren i Vestland</p>	<p>Statsforvaltaren meiner det er positivt at Alver kommune har utarbeida ein temaplan for friluftslivetsferdsselsårer. Dette vil vere eit nyttig dokument både i kommunens arbeid med kommuneplanen,reguleringsplanar og i enkeltsaker.</p>	
<p>Alver kulturråd</p>	<p>Alver kulturråd meiner det er gjort eit bra arbeid i kartlegginga. Rådet seier seg einig i at det er naudsynt med ei avgrensing grunna omfanget av eksisterande, og potensielle trasear, slik forslag til temaplan syner. Alver kulturråd registrerer at det er turtrasear som ikkje er nemt på det noverande tidspunkt, men som voneleg kjem med etter kvart.</p>	<p>Det er eit tiltak i planen at ferdsselsårer i resten av kommunen skal leggjast inn etter kvart som dei er registrerte.</p>

	<p>Alver kulturråd vil minne om at det er viktig å sjå samanheng mellom eksisterande planar og tiltak og arbeidet som no gjerast, med nemte temaplan. Som døme kan nemnast</p> <ul style="list-style-type: none"> <li>· koordinering av kartlegging og verdsetting av lokale friluftsområde</li> <li>· skilting (turskiltprosjekt/ kulturminneskilting/ kulturlandskapsskilting/ skuleprosjekt m.m.)</li> <li>· gradering av løyper</li> <li>· verning av stor slitasje i terrenget</li> <li>· padleløyper og padlekart</li> <li>· jakt og fiskeområder</li> <li>· naturvernområder</li> <li>· turkonkurransar (stolpejakt, turkort, turkasser med bøker m.m.)</li> <li>· parkeringsplassar</li> <li>· sykkelsatsing</li> </ul>	Tatt til etterretning.
Alver idrettsråd	Ingen merknader	Tatt til orientering.
Frå innspelsmøtet	<p>Bør ferdselsåra frå Skogen Sletta-Storsåta vere med?</p> <p>Bør stien frå Kvalvågnes til Straumsneset vera med?</p> <p>Det bør koma tydelegare merking/skildring/marknadsføring for UU, barnevogn.</p> <p>Stort arbeid som er gjort. Kunnskapen bør vera grunnlag òg for nytt turkart for Alver.</p> <p>Parkering og behov for ny parkering må kome tydeleg fram.</p> <p>Skiløyper er ikkje med, bør det vere med?</p> <p>Innbyggjarane treng informasjon om tilhøva for friluftslivsbruk og -opplevingar, og samla informasjon om dette.</p> <p>Behov for fleire møteplassar langs vegen til Hopsdalen</p> <p>Ta med Kalvedalshytta og DNT-stiar, samt stiar mot aust / Stølsheimen</p>	<p>Fell utanfor kriteria som er sett til kva ferdselsårer som er tatt med.</p> <p>Fell utanfor kriteria som er sett til kva ferdselsårer som er tatt med.</p> <p>Dette vil verta følgd opp på skilt, turskildringar og på digitalt kart.</p> <p>Nytt turkart er tatt inn i tiltaksdelen.</p> <p>Manglande parkering går fram av kartlegginga. Dei stadene der behovet for parkeringsplassar er størst, er tatt med i tiltakslista.</p> <p>Skiløyper er ikkje tatt med i denne kartlegginga, Kan leggjast inn ved eit seinare høve. Behov for tilrettelegging på skiløyper vert tatt med i samband med KDP for kultur, idrett og friluftsliv.</p> <p>Friluftslivskartet for Alver vil verta ein stad der informasjon om friluftsliv i kommunen vert publisert samla.</p> <p>Dette er utanfor det denne planen skal handsama.</p> <p>Sti frå Fjelde og Stussdalen til</p>

	Skausnøyne er ikkje korrekt namneform.	Kalvedalshytta er lagt inn. Det same er sti frå Vemundsbotn mot Sjørdalsnuten og mot Skavlabu.  Retta til Skausnøya i tråd med namnevedtak.
--	--	---

I tillegg endringar som er gjort på bakgrunn av innspel i høyringsperioden er det korrigert feil i teksten og i karta.

### **Økonomiske konsekvensar**

Dei fleste av dei foreslåtte tiltaka kan gjennomførast som del av ordinær drift og innanfor gjeldande ramme og/eller med midlar som er sett av i fond til skiltprosjekt.

I tillegg er det behov for ei mindre auke av ramma til friluftsliv for å gjennomføre dei mindre tiltaka i planen. Avklaring på økonomisk ramme vert tatt i arbeidet med økonomiplanen.

I tiltaksdelen er det lagt inn følgjande kostader:

70 000 kr i 2023  
270 000 kr i 2024  
70 000 kr i 2025  
70 000 kr i 2026

I tillegg kjem større einskildtiltak, jf kapittel 5.3. Desse vert tatt med og prioriterte i samband med kommunedelplan for kultur, idrett og friluftsliv.

### **Kommunedirektøren si tilråding**

Kommunedirektøren rår til at planen vert vedtatt slik den ligg føre.

### **Vedlegg i saken:**

31.10.2022	Friluftslivets ferdselsårer i Alver kommune	1825623
31.10.2022	Kart 1	1825624
31.10.2022	Kart 2	1825625
31.10.2022	Kart 3	1825626
31.10.2022	Kart 4	1825627
31.10.2022	Kart 5	1825628
31.10.2022	Kart 6	1825629
31.10.2022	Kart 7	1825630
31.10.2022	Kart 8	1825631
31.10.2022	Kart 9	1825632
31.10.2022	Kart 10	1825633
31.10.2022	Kart 11	1825634
31.10.2022	Kart 12	1825635
31.10.2022	Kart 13	1825636
31.10.2022	Kart 14	1825637
31.10.2022	Kart 15	1825638
31.10.2022	Kart 16	1825639
31.10.2022	Kart 17	1825640
31.10.2022	Kart 18	1825641
31.10.2022	Kart 19	1825642
31.10.2022	Kart 20	1825643
31.10.2022	Kartlagde ferdselsårer	1825644
31.10.2022	Uttale til Plan for Friluftslivets ferdselsårer 2022-2026	1825645
28.10.2022	Uttale - Høring - Alver - plan for friluftslivets ferdselsårer 2022 - 2026	1825647
31.10.2022	Høyringsuttale til Plan for Friluftslivets ferdselsårer 2022-2026	1825649
28.10.2022	Høyringsmerknad - Plan for friluftslivets ferdselsårer 2022-	1825651

	2026	
31.10.2022	Høringsuttale til Plan for friluftslivets ferdselsårer	1825654
31.10.2022	Om friluftslivets ferdselsårer	1825672
31.10.2022	Høringsinnspel til plan for friluftslivets ferdselsårer	1825655
31.10.2022	Innspel til ferdselsårer i Alver 9. mai 2022	1825673
31.10.2022	UtvidetLoype	1825668
31.10.2022	Høringsuttale til Plan for friluftslivets ferdselsårer	1825669
31.10.2022	Høringsuttale til Plan for friluftslivets ferdselsårer	1825670
31.10.2022	Temaplan for friluftslivets ferdselsårer - uttale Alver idrettsråd	1825671



**Arkiv:** <arkivID><jplID> FA-G00  
**JournalpostID:**  
**Sakshandsamar:**  
**Dato:** 19.10.2022

Saksframlegg

Saksnr.	Utval	Møtedato
045/22	Eldreråd	07.11.2022
050/22	Råd for menneske med nedsett funksjonsevne	07.11.2022
	Ungdomsråd	
	Utval for helse og omsorg	
	Alver formannskap	
	Alver kommunestyre	

## **Evaluering prøveordning - Kommunalt følge på ferie- og fritidsreise for personar med nedsett funksjonsevne**

### **Kommunedirektøren sitt framlegg til vedtak:**

Alver kommunestyre godkjenner å forlenge prøveordning kommunal følge på ferie- og fritidsreise for personar med nedsett funksjonsevne ut 2023.

Ubrukte fondsmidlar til føremålet vert overført frå 2022 til 2023. Om tilgjengelege fondsmidlar i 2023 ikkje er tilstrekkeleg jamfør søknadstal vert det fremja eiga sak.

Det vert utforma evalueringsrapport innan desember 2023.

### **Politisk handsaming**

Saka skal til uttale i ungdomsråd, eldreråd og råd for menneske med nedsett funksjonsevne.

Saka skal til innstilling i utval for helse og omsorg og formannskap.

Saka skal avgjerast i kommunestyret.

### **Saka gjeld**

Alver kommunestyre sak 142/20 dato 26.11.20 godkjente prøveordning med retningslinje for kommunalt følge på ferie og fritidsreise for personar med nedsett funksjonsevne for perioden 2021-2022.

Alver kommunestyre sak 031/21 dato 25.03.21 godkjente fondsvedtekter for prøveordninga – Fond for kommunalt følge på ferie og fritidsreise for personar med nedsett funksjonsevne for perioden 2021-2022.

Det skal utformast evalueringsrapport innan desember 2022.

### **Saksopplysningar**

Alver kommune etablerte prøveordninga for 2021-2022 med ønske om å legge til rette for at personar med nedsett funksjonsevne (fysisk og/eller psykisk) skal få eit tilbod om å gjennomføre ferie- og fritidsreise med bistand frå kommunalt personell. Ordninga er uavhengig alder og diagnose for den einskilde i målgruppa.

Vidare ville ein sikre at ferie- og fritidsreise vert planlagt og gjennomført forsvarleg, samt at arbeidsvilkår for tilsette er i tråd med gjeldande lov- og avtaleverk.

Det er per tid ikkje lovgrunnlag som pliktar kommunen å etablere eit slikt tenestetilbod, og det er heller ikkje økonomiske vilkår som støttar opp om dekking av kommunal meirkostnad.

Relatert til kommunal meirkostnad vart det etablert prøveordning med kommunalt fond til dekking av inntil 50% av meirkostnad (løn, døgn tillegg og diett). Reise og opphald for kommunalt personell vert å dekke av aktuell

brukar/deltakar.

### Kommuneplan

[Alver kommune - kommuneplan samfunnsdel 2022-2034](#) legg føringar for korleis vi vil utvikle samfunnet vårt, kva vi skal satse på, kva visjonar og mål vi har for framtida – og kva vi må gjere for å kome dit. Kommunedelplan helse, sosial og omsorg skal bidra til måloppnåinga.

Utval for helse og omsorg sak 038/22 dato 04.10.22 har vedtatt å sende [Alver kommune - høyring kommunedelplan helse, sosial og omsorg 2022-2034](#) på høyring og offentleg ettersyn. Høyringsfrist er 01.12.22

I kommuneplan samfunnsdel kan ein til dømes vise til hovudmål 4: «Innbyggjarane i Alver har god livskvalitet, trygge oppvekstvilkår og god helse» med tilhøyrande mål og vegval. Fleire av desse gjev grunnlag for utvikling av tiltak med fokus på til dømes meistring, deltaking og sjølvstendige liv i heile livsløpet. Dette er fulgt opp i framlegg til kommunedelplan helse, sosial og omsorg med omsyn til å vidareføre dette tenestetilbodet.

### Evalueringsgrunnlag

I prøveperioden har tilbod om [kommunalt følgje på ferie- og fritidsreise](#) vore digitalt informert og tilgjengeleg på kommunal heimeside og facebook. I tillegg har alle aktuelle tenesteområde og avdelingar informert målgrupper direkte.

Datagrunnlag er per tid følgjande:

År	Søknad - gjennomført tur	Søknad - ikkje gjennomført tur	Vurderte å søkje	Merknad
2021	3	0	0	Dei som vurderte å søkje eller ikkje gjennomført tur oppgav ulike grunnar både relatert til økonomi og andre årsakar.
2022	19	4	3	

Variasjon aldersfordeling: 19–65 år  
Variasjon reisedøgn: 1–7 døgn  
Bruk av fondsmidlar 2021: kr. 4.655,-  
Bruk av fondsmidlar per oktober 2022: kr. 88.875,-

Unytta fondsmidlar per oktober 2022: Kr. 106.470,-

Alle som gjennomførte tur i 2021 og 2022 fekk tenester frå tenesteområde Habilitering. Det er per oktober 2022 ingen søkjarar relatert til tenesteområde psykisk helse og rus eller andre tenesteområde i helse og omsorg.

Administrasjon vurderer at evalueringsgrunnlag er svakt då tal søkjarar er lågt jamfør målgruppe. Lågt søkjartal kan til dømes relaterast til:

- pandemisituasjon i perioden
- at målgruppa opplever manglande eller ikkje tilstrekkeleg informasjon, eller at ein ikkje forstår ordninga
- at personleg økonomi har gjort at ein ikkje har søkt på ordninga
- at ein har nytta andre ordningar som til dømes Ramberg legat og/eller nytta eige nettverk for å få gjennomført ønska tur.

Dei som har gjennomført tur gjev positive tilbakemeldingar både med omsyn til planleggings- og gjennomføringsfase. Det er ikkje gjennomført eiga undersøking i prøveperioden med omsyn til kvifor personar i målgruppa ikkje har nytta tilbodet.

### Alternativ tilskotsordning

Når det gjeld tilgong på alternative tilskotsordningar kan ein vise til at kommunen administrerer ei anna ordning på vegne av styret i [Ramberg legat: «Økonomisk støtte til avlasting og følgje på feriereise»](#). Årleg ramme for tildeling er her kr. 150.000,-

Søkjjarar til Ramberg legat var 26 personar i 2021 og 54 personar i 2022. Grunna auke i tal søkjarar i 2022 vedtok styret i legatet å auke økonomiske ramme for tildeling. Legatet gav kr. 324.000,- til føremålet i 2022. Ein avventer tilbakemelding frå styret for om ordninga held fram i 2023.

#### **Vurdering:**

Kommunedirektør vurderer at evalueringsgrunnlag er svakt med omsyn til å tilrå fast etablering av gjeldande retningslinje og/eller å tilrå justeringar.

Kommunedirektør vurderer at gjeldande vilkår i retningslinje og fondsvedtekter bør forlengast ut 2023. Vidare vert ubrukte fondsmidler frå 2022 å overføre til 2023. Om tilgjengelege fondsmidler i 2023 ikkje er tilstrekkeleg jamfør søknadstal vert det fremja eiga sak.

I utvida prøveperiode vil ein arbeide aktivt med å kvalitetssikre tilgjengeleg informasjon om tilbodet samt at ordninga vert forstått i målgruppa. Vidare vil ein både kvalitetssikre evaluering frå dei som gjennomfører tur samt etablere undersøking for å få tilbakemelding frå målgruppa på kvifor ordninga eventuelt ikkje er aktuell å nytte.

Ny evalueringsrapport vert utforma innan desember 2023.

#### **Kommunedirektøren si tilråding**

Kommunedirektøren tilrår at kommunestyre forlenger prøveordning kommunalt følgje på ferie- og fritidsreise for personar med nedsett funksjonsevne ut 2023.

Ubrukte fondsmidler vert å overføre frå 2022 til 2023. Om tilgjengelege fondsmidler i 2023 ikkje er tilstrekkeleg jamfør søknadstal vert det fremja eiga sak.

Det vert utforma evelueringsrapport innan desember 2023

#### **Vedlegg i saken:**

31.10.2022	Alver kommune - Retningslinje for kommunalt følgje på ferie- og fritidsreise	1824270
31.10.2022	Alver kommune - Fondsvedtekter for kommunalt følgje på ferie- og fritidsreiser	1824274

**Arkiv:** <arkivID><jplD>  
Plannavn-  
Kommunedelplan  
Helse, sosial og  
omsorg, Komnr-4631,  
FA-L1

**JournalpostID:**

**Sakshandsamar:**

**Dato:** 16.09.2022

Saksframlegg

Saksnr.	Utval	Møtedato
038/22	Utval for helse og omsorg	04.10.2022
046/22	Eldreråd	07.11.2022
049/22	Råd for menneske med nedsett funksjonsevne	07.11.2022
	Ungdomsråd	

### **Kommunedelplan helse, sosial og omsorg 2022-2034 - høring og offentlig ettersyn Kommunedirektøren sitt framlegg til vedtak:**

Med heimel i plan- og bygningslova § 11-14 vedtar Alver kommune å sende forslag til kommunedelplan helse, sosial og omsorg 2022-2034 ut på høring og offentlig ettersyn. Høringsperiode er sett til seks veker.

#### **Utval for helse og omsorg 04.10.2022:**

##### **Handsaming:**

Helge Kvam-Fagansvarleg Fagutvikling stab helse og omsorg orienterte om arbeidet med kommunedelplanen.

##### Det vart sett fram følgjande felles tilleggsframlegg:

Utval for helse og omsorg ønsker å ha same lengde på høringsperioden for kommunedelplan for helse, sosial og omsorg som for kommunedelplanen for Oppvekst. Administrasjonen får fullmakt til å endre høringsperioden for å oppnå dette.

Utvalet vedtok samrøystes kommunedirektøren sitt framlegg til vedtak, med unntak av høringsperiode, og med felles tilleggsframlegg sett fram i møtet.

##### **HO- 038/22 Vedtak:**

Med heimel i plan- og bygningslova § 11-14 vedtar Alver kommune å sende forslag til kommunedelplan helse, sosial og omsorg 2022-2034 ut på høring og offentlig ettersyn.

Utval for helse og omsorg ønsker å ha same lengde på høringsperioden for kommunedelplan for helse, sosial og omsorg som for kommunedelplanen for Oppvekst. Administrasjonen får fullmakt til å endre høringsperioden for å oppnå dette.

##### **Politisk handsaming**

Saka skal avgjerast i utval for helse og omsorg.

##### **Bakgrunn**

Grunnlag for arbeid med kommunedelplan helse, sosial og omsorg er følgjande:

- Alver kommunestyre sak 143/20 den 26.11.20: Kommunedelplan helse, sosial og omsorg – planprogram

- Alver kommunestyre sak 039/21 den 25.03.2021: Planstrategi for Alver kommune 2021-2024
- Alver kommunestyre sak 071/22 den 19.05.2022: Kommuneplan for Alver 2022-2034 - samfunnsdel

### **Saksopplysninger:**

Alver kommune sin kommuneplan 2022-2034 legg føringar for korleis vi vil utvikle samfunnet vårt dei neste 12 åra. Samfunnsdelen seier korleis vi vil utvikle samfunnet, kva vi skal satse på, kva visjonar og mål vi har for framtida – og kva vi må gjere for å kome dit.

Kommunedelplan helse, sosial og omsorg skal bidra til måloppnåinga. Kommunedelplan er òg ein overordna plan med eit tidsperspektiv på 12 år, og ein handlingsdel for dei komande 4 åra. Handlingsdelen skal reviderast kvart år i samband med økonomiplan og handlingsprogram. Planen er eit verktøy både for det daglege og langsiktige arbeidet i tenestene og skal vere eit styringsverktøy der ein kan sjå samanhengar. Planen gjev slik utgangspunkt for underliggende verksemdsplanar hjå tenesteområda.

Utviklingstrekk knytt til demografiske og samfunnsmessige endringar utfordrar Alver kommune sitt samfunnsoppdrag på ulike område. Døme på dette er prioritering av ressursar, sikre tilstrekkeleg kompetanse og arbeidskraft, kapasitet og måtar å yte tenester på. Vegvala innan helse-, sosial og omsorg skal bidra til berekraftig utvikling og ressurseffektiv forvaltning og drift i sektoren.

### Planprosess og medverknad

Planprogrammet til kommunedelplan helse, sosial og omsorg gjer greie for føremålet med planarbeidet, planprosessen, plantema og opplegget for medverknad. Frå september 2020 til mars 2021 har vi hatt felles medverknadsprosess med kommuneplan samfunnsdel. Medverknadsprosessen er samla i sju rapportar:

1. Melding frå folket
2. Nærseierstudie
3. Samtalar med råda
4. Tenketank med næringslivet
5. Mitt Alver
6. Digital samfunnsdialog
7. Melding frå administrasjonen

Vidare har ein arbeida med administrativt medverknad frå alle tenesteområda i sektoren. Tema for medverknad har mellom anna vore knytta til tema frå planprogram:

- Demografi – Befolkningsutvikling og flyttemønster
- Helsefremming og utfordringar ein forventar i komande år
- Fellesskap, aktivitet og aktiv omsorg
- Sosial berekraft
- Lovpålagde oppgåver, bidra til prioritering av knappe ressursar
- Heilskaplege tenester
- Samarbeid og samhandling internt og eksternt
- Omstillings- og endringskompetanse, forbetningsarbeid

Utval for helse og omsorg er styringsgruppe for planprosessen. Ein har nytta arbeidsmøte med styringsgruppa for kunnskapsdeling og arbeid med målformuleringar relatert til kommuneplanens samfunnsdel. Ei rekke fagbaserte presentasjonar har gjeve grunnlag for samtalar mellom fag og politikk i forarbeidet. Presentasjonar og referat frå arbeidsmøta er del av prosessarbeidet og kunnskapsgrunnlaget for framlegg til plantekst.

Styringsgruppa sine arbeidsmøter:

08.02.22  
07.03.22  
31.03.22

22.04.22  
09.05.22  
24.05.22  
01.06.22  
17.06.22  
12.09.22

Administrasjon har prosjektorganisert planarbeidet med administrativ prosjektgruppe inklusiv representasjon frå hovudtillitsvalde. Vidare har ein nytta referansegruppe for innspel/synspunkt. Referansegruppe har mellom anna vore samansett av representantar frå ungdomsråd, eldreråd, råd for menneske med nedsett funksjonsevne, ulike lag- og organisasjonar, vekstbedrifter og næringsliv. I tillegg er spesialisthelsetenesta ved Haraldsplass Diakonale sjukehus og Helse Bergen v/Haukeland Universitetssjukehus oppmoda om å kome med innspel i planprosessen.

Referansegruppa sine møter:

10.03.22  
18.05.22  
08.06.22  
13.09.22

#### Oppbygging av plan

Kommuneplan samfunnsdel er førande for kommunedelplan helse, sosial og omsorg (KDP HSO). Vi har difor utforma strukturen med ønske om å synleggjere sektoren sitt bidrag til måloppnåing i samfunnsdelen.

Kapittel 1 omhandlar forankring i planhierarki, mål og målgrupper for plan samt medverknad og prosess i arbeidet med å utarbeid plantekst.

Kapittel 2 omhandlar aktuelle nasjonale og regionale føringar for sektoren. Forvaltning og tenesteyting innan helse-, sosial- og omsorg er lov og forskriftsstyrt, og vi har tilslutta oss ulike regionale samarbeidsområde med tilhøyrande mål og strategiar.

Kapittel 3 viser prognoser for utviklingstrekk kommunen vår. Vi må vurdere og einast om prioriteringar av mål og vegval for samfunnsutviklinga i høve utviklingstrekk, og sjå desse saman med noverande kapasitet i tenestene.

Kapittel 4 synleggjer at tenester innan helse-, sosial- og omsorg vert ytt i heile livsløpet, på ulike nivå og til ulike målgrupper. Vi har utarbeidd modell for aktivitets- og meistringstrapp samt bustadtrapp for å visualisere omfanget. Her vil ein få oversyn på kva type tenester og kapasitet vi har i kommunen.

I kapittel 5 ønskjer vi å tematisere ulike område vi vil fokusere på i planperioden. Dette er og relatert til tema som vart omtalt i planprogrammet. Med grunnlag i kapittel 2, 3 og 4 vert det kort gjeve argumentasjon som gjev retning for vegval og handlingar i målskjema i kapittel 6.

Når ein les plantekst kapittel 6 er det viktig å merke seg fargekodane i målskjema. Farga formuleringar i skjema er vedtatt i kommuneplan sin samfunnsdel (KPS). Fargekodar er avklart med styringsgruppa. Fargekodane viser at «grønne» strategiar frå KPS vert å omtale i KDP HSO. Andre «raude» strategiar frå KPS vert ikkje å omtale i KDP HSO, men vert omtalt/handtert i andre sektorar/plandokument. Desse «raude» strategiane vert å ta vekk i endeleg vedtatt KDP HSO. Ein legg fram alle strategiar frå KPS slik at lesar kan få høve til å ytre seg om ein meiner at KDP HSO burde omtalt nokre av desse som er farga raude.

#### Høyringsperiode

Høyring av planframlegg skal etter plan- og bygningslova § 11-14 vere minst 6 veker. Etter høyringsperioden blir det handsaming av merknader med mål om endeleg vedtak i kommunestyre.

### Vurdering:

Kommuneplanen sin samfunnsdel tar stilling til langsiktige utfordringar for samfunnet vårt og kommunen som organisasjon. Med bakgrunn i utfordringane peiker samfunnsdelen ut mål og retning som møter desse utfordringane. Dei tre underliggjande kommunedelplanane skal saman bidra til overordna måloppnåing i kommuneplan samfunnsdel. Desse planane er:

- Kommunedelplan oppvekst
- Kommunedelplan helse, sosial og omsorg
- Kommunedelplan kultur, frivilligheit og idrett

Kommunedelplan helse, sosial og omsorg er difor eit overordna sektorbidrag og styringsverktøy innanfor rammer som lov og forskrift samt andre nasjonale og lokale føringar.

For å synleggjere samanheng i plansystemet er det ikkje formulert eigne målkapittel i kommunedelplan helse, sosial og omsorg. Styringsgruppa har valt ut mål og strategiar frå kommuneplanens samfunnsdel 2022 – 2034 som er relevante for KDP HSO. I handlingsplanen kapittel 6 har dei fleste handlingsvala ikkje økonomiske verknader. Det er til dømes trong for å konkretisere ulike tema meir detaljert via tema- og handlingsplanar med tilhøyrande tiltak for å synleggjere økonomiske verknad. Dømer på slike tema- og handlingsplanar er:

- Bustadsosial handlingsplan
- Psykisk helse og rusmestring (tidlegare ruspolitisk handlingsplan)
- Heilskapleg demensomsorg
- Plan for legetenesta

Det er arbeida fram modell for aktivitets- og meistringstrapp samt bustadtrapp. Modellane vil vere eit arbeidsverktøy som mellom anna kan bidra til:

- Å vise dei ulike nivåa i tenesteytinga, tilhøve mellom dei ulike nivåa og heilskapen. Vi har trinn som er godt utvikla og mindre utvikla i Alver.
- At vi nyttar modellen til debatt og prioriteringsval for ønska utvikling og dimensjonering av tenester og tilbod med mål om å kunne gi rett teneste på rett nivå.
- At vi nyttar modellen i arbeid med forventningsavklaringar til kommunen vår som forvaltar og tenesteytar - for innbyggjarar, politikarar, tilsette og samarbeidspartar
- At vi nyttar modellen i arbeid med ressursinnsats samt å etablere tenlege måleindikatorar for om vi lukkast med mål og vegval for samfunnsutviklinga i kommunen vår.
- At vi nyttar modellen for å sikre medverknad frå brukarar og pårørande på alle trinn i trappa.
- At vi nyttar modellen for å legge til rette for medverknad og samhandling med frivillig sektor og andre aktørar.

For å prioritere mål og vegval for utviklinga har kommunedelplan helse, sosial og omsorg mellom anna fokus på:

- Frivillige og pårørande som ressurs – vi vil ta samfunnet sine samla ressurser i bruk for å løyse morgondagens utfordringar.
- Tidleg innsats, helsefremmande arbeid og førebyggjande verksemd – vi vil styrke arbeid med universelle strategiar for heile befolkninga i heile livsløpet.
- Tenester der folk bur og til rett tid – vi vil ha eit variert butilbod, beste effektive nivå på tildeling av tenester samt rett kapasitet på alle nivå i aktivitets- og meistringstrappa.
- Meistring, deltaking og arbeid.
- Tenester som er koordinerte og verkar saman.
- Personell, kvalitet og kompetanse – vi vil ha meistringorientert leiging og kunnskapsbaserte tenester.
- Nye kunnskapsbaserte arbeidsmetodar og velferdsteknologi – vi må ta i bruk nye løysingar som er effektive, forenklande og gjer det mogleg å bu heime lengre.

**Tilråding**

Kommunedirektør rår til at framlegget til kommunedelplan helse, sosial og omsorg blir lagt ut på høyring og offentlig ettersyn, og rår til å gjennomføre ein høyringsperiode på seks veker.

**Vedlegg i saken:**

27.09.2022	Høyring plantekst KDP HSO versjon 21.09.22	1808202
27.09.2022	Lenke til Framsikt	1809778



**Arkiv:** <arkivID><jplID> FE-033  
**JournalpostID:**  
**Sakshandsamar:**  
**Dato:** 12.10.2022

Saksframlegg

Saksnr.	Utval	Møtedato
047/22	Eldreråd	07.11.2022

**Meldingar til eldrerådet 07.11.2022**  
**Kommunedirektøren sitt framlegg til vedtak:**  
Meldingar vert tekne til orientering.

#### **Politisk handsaming**

Saka skal avgjerast i eldrerådet.

#### **Saksopplysningar**

Det vert lagt fram følgjande meldingar og orienteringar:

1. Plan for friluftslivets ferdselsårer 2022-2026 – orientering v/Bente Kopperdal Hervik-rådgjevar kultur – knytt til ER-sak 044/22
2. Kommunedelplan helse, sosial og omsorg 2022-2034 – orientering v/Helge Kvam-Fagansvarleg Fagutvikling stab helse og omsorg – knytt til ER-sak 046/22
3. Evaluering prøveordning – Kommunalt følgje på ferie- og fritidsreiser for personar med nedsett funksjonsevne – orientering v/Helge Kvam-Fagansvarleg Fagutvikling stab helse og omsorg – knytt til ER-sak 045/22
4. Prosjekt leing, kvalitetsforbetring og ressurseffektiv drift – orientering v/Eva Mikkelsen-prosjektleiar
5. Velferdsteknologi – orientering v/Hildegunn Bavarelli-koordinator for velferdsteknologi
6. Kostnadar sjukeheimplass og ulike tenester for bebuar – orientering v/Leni Dale-kommunalsjef helse og omsorg
7. Presentasjon av eldrerådet

SYNFARING: Det blir synfaring på hjelpemiddel-lageret på Mjåtveit. Frammøte kl. 10.30.

Orienteringar 1-4 blir gjeve i fellesmøte for eldrerådet/RMNF.